

ანდრია ჯალმაიძე - ყველაზე მეტი შეურაცხყოფისა და ცილისწამების მოსმენა ჩვენი მისამართით გვინწევს



საქართველოს საპატრიარქოს პრესცენტრის ხელმძღვანელის, დეკანოზ ანდრია ჯალმაიძის განცხადებით, რელიგიური ჯგუფებიდან ყველაზე მეტი შეურაცხყოფის გამოხატვა მართლმადიდებლური ეკლესიის მიმართ ხდება.

დეკანოზი ანდრია ჯალმაიძე დღეს იმ სამუშაო ჯგუფის პირველ სხდომას დაესწრო, რომელიც პარლამენტის ადამიანის უფლებათა დაცვის კომიტეტის ფარგლებში შეიქმნა და რელიგიურ თემატიკაზე იმუშავებს.

ჯალმაიძის თქმით, მართლმადიდებლური ეკლესია სამუშაო ჯგუფში ჩაერთვება და ხელს შეუწყობს, რომ კონსენსუსი მეტ საკითხთან დაკავშირებით არსებობდეს.

„რომ შეიძლებოდეს გაზომვა, ყველაზე მეტი შეურაცხყოფა რომელი რელიგიური ჯგუფის მიმართ გამოიხატება, ალბათ, ეს მართლმადიდებლური ეკლესია იქნება. მიზეზს ვერ გეტყვით. ალბათ, ერთი მიზეზი არ არსებობს. ყველაზე მეტი შეურაცხყოფის,

ცილისწამებისა და არამართებული ინფორმაციის მოსმენა ჩვენი მისამართით გვინწევს“,
– განაცხადა ანდრია ჯალმაიძემ.

(ავტორი – თეონა მანაგაძე / 1tv.ge)